


Bibele ya banana  
Itiswa ku mina

Mulimu ha eza lika  
kaufela



I ñozwi ki: Edward Hughes

I bonisizwe ki: Byron Unger; Lazarus;  
Alastair Paterson

I hamuhezwi ki: Bob Davies; Tammy S.

I tolokilwe ki: JARNIX M. MASIYE

I hatisiswe ki: Bible for Children  
[www.M1914.org](http://www.M1914.org)

©2020 Bible for Children, Inc.

Zibiso: Mu lukuluhile kukopisa likande le kapa  
ku liñola, kono hamu lumelezwi ku lekisa.



Kimani ya lu bupile? Bibele, Linzwi la  
Mulimu, i lu bulelela makalelo a mutu.

Kale koo, Mulimu a bupa mutu wa  
pili mi a mu beya  
libizo la  
Adama.



A mu bupa fa liluli la mubu wa lifasi.  
A buyelela ku Adama moya wa bupilo,  
mi a ba mutu ya pila. A ipumana  
mwa simu ye nde yene  
bizwa Edeni.



Pili Mulimu a sika bupa kale Adama.  
A eza lifasi leli nde leli tezi lika ze  
nde. Ka muhato ni muhato, Mulimu a  
eza malundu ni lipalisa ze




... linyunywani ze nani mibala  
ye minde, limuka ze zengana mwa  
mbyumbyulu, litapi ze tuna za mwa  
liwate ni minyopi ni ku li




beya mwa libaka  
za zona.

Isali kwa makalelo,  
Mulimu a sika eza  
kale lika kaufela,  
neku sina  
sika ni haili  
silisiñwi mwa  
lifasi kwand'a  
Mulimu. Ne ku  
sina batu kapa  
minzi kappa lika.



Neili mukungulu  
feela. Ne ku  
sina liseli mi  
ne ku sina  
lififi. Ne ku  
sina fahalimu  
kapafafasi.



Ne ku sina mahabani  
mi ne ku sina kamuso.

Neku inzi Mulimu  
feela anosi  
ya na sina  
makalelo.


Mi Mulimu a  
kala ku eza  
lika kaufela.




Kwa simuluho, Mulimu a eza  
mahalimu ni lifasi.



Mi lifasi neli sina  
sibupeho ni sesi  
kana. Ne  
ku tezi  
feela  
lififi  
leli  
tuna.




Cwale Mulimu  
a bulela ali,  
"Liseli li  
be teñi."



Mi liseli la ba teñi. Mulimu a biza  
liseli kuli musihali mi lififi a li biza  
kuli busihu. Mi manzibwana ao  
ni ka kusasana aba lizazi la pili.



Mwa lizazi la bubeli, Mulimu a taisa  
mezi a mawate, linuka ni masa ka ku  
swanelela mwa tas'a lihalimu. Mwa  
lizazi la bulalu, Mulimu a bulela ali,



"Kube ni mubu."  
Mi kwa ezahala cwalo.



Mulimu hape a laela bucwani,  
mapalisa, macacani a  
tibani ni likota  
kuli libe teñi.



Mi za ba teñi. Mi ao  
aba manzibwana ni  
kakusasana a  
lizazi la bulalu.



Mi Mulimu a eza lizazi,  
kweli ni linaleli ze ñata  
ze sa konwi ku baliwa  
ki mutu. Mi manzibwana  
ni kakusaana ao aba  
lizazi la bune.



Libupiwa za mwa  
mawate, litapi ni  
linyunywani za tatama  
fa mukoloko wa Mulimu.  
Mwa lizazi la buketa-  
lizoho a eza litapi  
ze tuna ni ze nyinyani,  
limpye ni tunywani to  
tunyanyini totu tabisa.



Mulimu a eza mufuta  
wa litapi kaufela ku  
taza mezi a lifasi ni  
mufuta wa linyunywani  
kaufela kuli li ikole  
munati wafafasi ni  
mwa halimu. Mi  
manzibwana ni  
kakusasana ao aba  
lizazi la buketa-lizoho.



Mwa mulaho, Mulimu a bulela hape ali, "Lifasi li tahise libupiwa kaufela ze pila ..." Mufuta kaufela wa folofolo, sikokwani ni wa ze hohoba za kala ku pila. Kwaba ni litou, linjoko ni likwena.




Hamoho cwalo ni bulo ni tumale tolu tabisa. Litutwa ni likaze. Mufuta kaufela wa folofolo no ezizwe ki Mulimu zazi leo. Mi manzibwana ni kakusasana ao aba lizazi la 6.




Mulimu a eza nto ye ñwi hape mwa  
lizazi la bu 6- nto ye ñwi ye butokwa.  
Lika kaufela neli lukiselizwe mutu.


Ne kuna ni lico  
mwa masimu kuli  
lifolofolo li ce.



Mi Mulimu ali, "A lu bupeñi mutu ka  
sibupeho sa luna. A be ni maata a ku  
busa lika kaufela ze fa lifasi."




CWALE MULIMU A BUPA MUTU KA  
SIBUPEHO SA HAE; A MU BUPA  
MWA SIBUPEHO SA HAE ...



Mulimu a bulelela  
Adama, "U ce ze u  
lata kaufela mwa  
simu. Kono u sike  
wa ca kwa kota ya  
ku ziba bunde ni  
bumaswe. Haiba u  
ca kwa kota yeo  
kaniti u ka shwa."



Mi MULENA MULIMU ali, "A ki hande kuli muuna a pile a nosi. Ni ka mu ezeza mutusi wa hae." Mulimu a tisa linyuñywani ni lifolofolo kaufela ku Adama.



Adama a li beya mabizo kaufel'a zona.  
Neli mutu yana talifile hahulu kuli a kone  
ku eza cwalo. Kono  
nihakulicwalo linyunywani ni  
lifolofolo neli sa swani ni  
Adama.



Mulimu a lobaza Adama buloko bo bu  
tuna. A zusa ku yena likupo inge a li  
mwa buloko, Mulimu  
a eza musali fa  
likupo la Adama.



Musali ya na ezize Mulimu neli yana  
swanelala luli kuba mulikan'a Adama.



Mulimu u ezize lika kaufela  
mwa mazazi a 6. Cwale a  
fuyola lizazi la bu 7 mi a li  
eza lizazi la pumulo.



Mwa simu ya Edeni, Adama ni  
musal'a hae Eva ne ba latelela  
Mulimu bali baba petahalile.  
Mulimu neli yena MULEN'A  
bona, Mushemi ni  
Mulikan'a bona.



Mulimu ha eza lika kaufela

Likande leli zwa mwa linzwi la  
Mulimu, Bibele

Lifumaniya mwa

Genese 1-2

"Makalelo a lituto za hao a tisa liseli."  
Lisamu 119:130





KU FELILE



Bibele ye I lu bulelala ka  
za Mulimu wa luna yo munde yo  
a lu bupile mi a bata kuli lu mu zibe.

Mulimu wa ziba kuli lu ezize lika ze maswe zeo  
a a biza kuli sibi. Koto ya sibi ki lifu, kono  
Mulimu u lu latile hahule kuli mane u lu lumezi  
Mwan'a Hae Jesu, ku to shwela libi za mina fa  
sifapahano. Kono Jesu a zuha hape kwa bafu  
mi aya kwa hae kwa lihalimu! Haiba mu lumela  
ku Jesu ni ku kupa kuli a mi swalele libi za  
mina, U ka mi swalela! U ka taha ni ku to  
pila ku mina isali ona foo, mi u ka pila  
ku mina kuya-kuile.



Haiba mu lumela kuli taba ye  
ki ya niti, mu bulele tapelo ye ku Mulimu:  
Oho Jesu, Na lumela kuli u Mulimu, mi na  
ikezize mutu bakeñisa libi zaka, mi ku zwa  
kacenu u ka pila ku na hape. Ni kupa kuli  
u kene mwa bupilo bwa ka mi u ni swalele libi  
za ka, ili kuli zazi le liñwi ni yo ina ni Wena  
kuya-kuile. U ni tuse ku ku lalelela ni ku pilela  
ku wena kaku ba mwan'a Hao. Amen.

Mu bale Bibele, mi mu bulela ni Mulimu  
zazi ni zazi! Joani 3:16

